

Ko i šta se popisuje

Popis će obuhvatiti sve bosanskohercegovačke građane koji se u trenutku popisa nalaze u domovini, te sve članove određenog domaćinstva bez obzira na to da li su u trenutku popisa prisutni ili su odsutni iz Bosne i Hercegovine. Popis će također obuhvatiti i sve strane državljane koji se zateku u BiH kao i lica bez državljanstva.

Ukupan broj stalno nastanjenog stanovništva za svaku teritorijalnu jedinicu dobiva se sabiranjem broja lica koja imaju uobičajeno mjesto stanovanja i prisutna su, kao i lica koja imaju uobičajeno mjesto stanovanja, ali su privremeno odsutna. Odnosno, građani koji žive na određenom području zbrajaju se s licima koja su privremeno odsutna iz uobičajenog mjesta stanovanja. Kategorija lica koja su privremeno odsutna definira se kroz razloge odsustva kao i dužinu trajanja odsustva (npr. rad u inostranstvu a dužina odsustva je kraća od 12 mjeseci).

Pored bosanskohercegovačkih građana predstojeći Popis obuhvatit će i popis domaćinstava, stanova te osnovnu evidenciju iz domena poljoprivrede.

Domaćinstvom se smatra svaka porodična ili druga zajednica osoba koje zajedno stanuju i zajednički troše svoje prihode za podmirivanje osnovnih životnih potreba (stanovanje, ishrana i dr.). Ovdje je važno naglasiti da dio domaćinstva čine sve osobe bez obzira da li se nalaze u mjestu gdje je nastanjeno domaćinstvo ili neki od njih privremeno borave u drugom naselju u BiH ili inostranstvu.

Stan, u kontekstu Zakona i Popisa, je građevinski povezana cjelina namijenjena za stanovanje, bez obzira na to da li se u momentu popisa koristi samo za stanovanje; za stanovanje i obavljanje djelatnosti; samo za obavljanje djelatnosti; za odmor i rekreaciju ili je riječ o nenaseljenom, ali građevinski ispravnom stanu.

Pored stanova, u smislu date definicije, popisom se obuhvaćaju i druge naseljene prostorije ili objekti, koji nisu namijenjeni za stanovanje, ali u vrijeme Popisa se koriste za stanovanje. Takvi objekti mogu biti naseljeni poslovni prostori, druge jedinice za stanovanje (vikendice, kolibe, kabine, brvnare, karavani, hambari, mlinovi, šatori i sl.).

U smislu Zakona i predstojećeg Popisa, u ukupno raspoloživo zemljište domaćinstva uračunava se zemljište u vlasništvu svih članova domaćinstva na teritoriji BiH, kao i zemljište koje je u vlasništvu drugih lica (individualno, zemljište preduzeća, zadruga ili državno zemljište) a koje je domaćinstvo uzelo u zakup (za novac, u arendu, napolicu, besplatno i sl.).

PODACI O POLJOPRIVREDI

27. Ukupno raspoloživo zemljište domaćinstva u BiH (vlastito + uzeto u zakup)
27 = 27.1 + 27.2 + 27.3

(DUNUM) (m²)

Od toga: 27.1. Poljoprivredno zemljište (DUNUM) (m²)

27.2. Zemljište pod šumom

27.3. Ostalo zemljište

Svi građani koji imaju ili su imali državljanstvo Bosne i Hercegovine, trebaju učestvovati na popisu. Pitanje državljanstva ne utječe na ostale odgovore poput etniciteta, jezika, imovine, zemljišta i sl.

Kontakt informacije



Islamska zajednica u Bosni i Hercegovini
Zelenih beretki br. 17
Tel: + 387 33 441-573
Web: www.rijaset.ba



Bošnjačka zajednica kulture "Preporod"
Brnilaca Sarajeva br. 30
Tel: +387 33 444-078
Web: www.preporod.ba



HO "Merhamet" MDD
Bistrik br. 2
Tel: + 387 33 236-527
Web: www.merhamet.ba



Vijeće Kongresa bošnjačkih intelektualaca
Valtera Perića br. 13
Tel: +387 33 445-451
Web: www.vkbi.ba



Bošnjački institut – Fondacija Adil Zulfikarpašić
Mula Mustafe Bašeskije br. 21
Tel: + 387 33 279-800
Web: www.bosnjackiinstitut.ba



ISLAMSKA ZAJEDNICA U BOSNI I HERCEGOVINI



VIJEĆE KONGRESA BOŠNJAČKIH INTELEKTUALACA



BOŠNJAČKA ZAJEDNICA KULTURE "PREPOROD"



BOŠNJAČKI INSTITUT



HO "MERHAMET" MDD

Fondacija

POPIS 2013.

*Bez ustezanje i straha kažemo svima,
i susjedima i Europi,
jasno i glasno;
Bošnjak sam!
a maternji jezik mi je kao i domovina – **Bosanski.***

24. Etničko/nacionalno izjašnjanje:

Bošnjak/Bošnjakinja Hrvat/Hrvatica Srbin/Srkinja

25. Izjašnjanje o vjeroispovijesti:

Islamska Katolička Pravoslavna

26. Maternji jezik:

Bosanski Hrvatski Srpski

*"Čuvajte i očuvajte svoju naciju i ime BOŠNJAK, vjeru i tradiciju.
Gubitak identiteta plaća se ropstvom i poniženjem."*

Alija Izetbegović

*"...BOSANSKI JEZIK – ostaje ono što je bio u bošnjačkom narodu;
njegov moral, njegova duševnosti i njegovo utočište"*

Alija Isaković

Način popisa

Popis stanovništva, domaćinstava i stanova u Bosni i Hercegovini vršiti će se svaki dan od 1. do 15. oktobra 2013. godine u vremenu od 09:00 do 21:00 u prisustvu najmanje jednog odraslog člana domaćinstva. Popis obavljaju popisivači koji na terenu obilaze domaćinstva i stanove. **Ukoliko u domaćinstvu zatekne najmanje jednu odraslu osobu, popisivač će obaviti popis svih članova toga domaćinstva.**

Nosilac domaćinstva može dati podatke za sve članove domaćinstva bez obzira da li su u vrijeme popisa u BiH ili se nalaze na radu u inostranstvu. Ukoliko u stanu u trenutku dolaska budu maloljetna lica, starije osobe ili jednostavno ne bude nikoga kod kuće, popisivač će ostaviti pismeno obavještenje te se po potrebi vratiti u isto domaćinstvo.

Popisivač je dužan predstaviti se, pokazati iskaznicu i ukratko objasniti cilj posjete. Popisivač treba informirati građane da su obavezni davati tačne i potpune podatke, ali i naglasiti da se podaci prikupljaju za statističke svrhe, te da je zagarantovana tajnost podataka. **Popisivač ni na koji način ne smije utjecati na odgovore koje daje osoba koja se popisuje,** a ukoliko se popisivač ne ponaša na ovaj način, građanin može i treba prijaviti njegovo ponašanje Popisnoj komisiji lokalne samouprave.

Prilikom popisa građani trebaju dati ime i prezime te jedinstveni matični broj – JMBZ za sva lica koje se popisuje bez obzira da li su vrijeme popisa prisutni ili su van domaćinstva. Ukoliko građanin ne zna ili nema JMBG, onda može navesti samo datum rođenja. Ovo se odnosi i na strane državljane kao i za lica koja su se iz različitih razloga nemaju JMBG.

Svi podaci na popisu daju se na osnovu izjave osobe koja se popisuje, odnosno **popisivač ne smije tražiti bilo kakav dokument kojim bi popisivana osoba dokazivala svoj odgovor.** Ovo se odnosi na JMB građanina, ličnu kartu, prijavu prebivališta, pasoš, rodni list, izvod iz knjige državljana, ZK izvadak za kuću ili zemljište, te bilo koji drugi dokument kojim bi popisivana osoba eventualno trebala potvrditi svoj odgovor na neko od pitanja.

Sam popis jednog prosječnog domaćinstva od 4-6 članova traje oko 30 minuta, a ukoliko dvije ili više porodica žive u jednom domaćinstvu može trajati i duže. Popisivač će prilikom popisa popuniti jednu popisnicu sa podacima za domaćinstvo, te za svakog od članova domaćinstva po jednu popisnicu za lica (npr. za domaćinstvo od 5 članova ukupno 6 popisnica).

Popisivač ima obavezu da popisne obrasce popuni posebnom hemijskom olovkom koju je dobio uz popisni materijal i koja će sadržavati oznake popisa 2013.

Na kraju popisa popisivač će dati građaninu popisnice na uvid, provjeru vjerodostojnosti unesenih podataka, te potpis osobe koja je dala podatke.

Prikupljeni podaci o građanima, domaćinstvima i stanovima, iz pojedinačnih popisnih krugova, prilikom obrade objedinjeni će se na razini općine, zatim na razini popisnih područja, te na kraju na razini države. Svi građani koji u vrijeme popisa budu unutar svojih popisnih krugova (*ovo uključuje sva lica prisutna u vrijeme Popisa, ali i lica koja su u vrijeme Popisa odsutna iz mjesta boravaka radi rada u inostranstvu ili BiH, školovanja, posjete porodici itd., kraće od 12 mjeseci – za njih podatke daje nosilac domaćinstva*) i na ovaj način budu učestvovali u popisu bit će objedinjeni u ukupan broj stalno nastanjenog stanovništva općine, popisnog područja, te Bosne i Hercegovine.

U cilju ubrzanja popisa jednog domaćinstva, te davanja preciznih odgovora, građani prije popisa imaju mogućnosti pogledati Popisnicu za lica (P-1) kao i Upitnik za domaćinstvo i stan (P-2) te otkloniti moguće nejasnoće kod pojedinih pitanja.

Popisnice će biti objavljene u Službenim novinama Bosne i Hercegovine, te na Internet stranici državne Agencije za statistiku (www.bhas.ba).

Popis građana koji se nalaze van domovine

Građani koji se nalaze van domovine mogu se popisati na tri načina:

1) Osobe koje se u trenutku popisa nalaze van domovine - na radu, školovanju, hadžu, itd., a dio su domaćinstava u BiH trebaju se popisati kao članovi tog domaćinstva koji se u trenutku Popisa nalaze van domovine. Popis ovih lica izvršit će nosilac domaćinstava koji je u vrijeme popisa u BiH. Na ovaj način popisani građani bit će dio stalno nastanjenog stanovništva Bosne i Hercegovine.

2) Oni građani koji imaju imovinu u Bosni i Hercegovini a nisu dio nekog domaćinstva u BiH (porodica stradala u ratu ili se svi članovi tog domaćinstva/porodice nalaze u inostranstvu) te se privremeno nalaze u inostranstvu na radu i imaju namjeru da žive u domovini – trebaju doći u Bosnu i Hercegovinu u periodu provođenja Popisa i u saradnji sa Popisom komisijom lokalne samouprave obaviti popis. Na ovaj način oni su dio stanovnika određene teritorijalne jedinice, odnosno stalno nastanjenog stanovništva Bosne i Hercegovine, a njihova imovini neće biti predmetom špekulacija na lokalnoj razini.

3) U skladu sa članom 40. Zakona popis građana koji žive u inostranstvu obaviti će se putem posebnog obrasca koji će biti objavljen na Internet stranici Agencije za statistiku. U skladu sa Zakonom na ovaj način popisani građani evidentirat će se u posebnu bazu podataka i neće biti dio stalno nastanjenog stanovništva Bosne i Hercegovine.

Ukoliko je razlog odsustva osobe rad u inostranstvu, a osoba tokom godine boravi u Bosni i Hercegovini izvjesni vremenski period, te u konačnici ima se namjeru vratiti u uobičajeno mjesto stanovanja (npr. trenutni razlog boravaka u inostranstvu je nedostatak radnih mjesta u BiH ili različiti ekonomsko-socijalni razlozi) **tada prilikom popisa treba navesti vrijeme odsustva imajući na umu kada su posljednji put bili u domovini.** Odnosno, osoba koja se popisuje ili daje podatke za privremeno odsutnu osobu navodi isključivo broj mjeseci od zadnjeg boravka, te koliko će privremeno odsutna osoba biti van države do ponovnog dolaska.

Isključivo stalno nastanjenog stanovništvo Bosne i Hercegovine, zajedno sa njihovom imovinom, imat će svoje mjesto i ulogu u svim unutrašnjim bosanskohercegovačkim odnosima, bit će dio različitih statističkih analiza kako na razini općine, entiteta/DB tako i na razini države.







Primjer popisa lica koja su van domovine radi rada u inostranstvu i koji tokom godine borave u domovini izvjesni vremenski period

Prilikom davanja podataka za odsutnog člana domaćinstva, nosilac domaćinstva, na prvo pitanje odgovara odabirom opcije *b) Član domaćinstva odsutan iz mjesta popisa zbog rada /školovanja ili boravka u drugom mjestu u BiH ili inostranstvu.* Nakon toga popisivač samostalno upisuje šifru razloga odsustva iz mjesta stanovanja (odsutna osoba je prethodno upisana u "Spisak osoba" domaćinstva i ukoliko je razlog odsustva osobe *rad ili boravak u inostranstvu kod stranog poslodavca ili na samostalnom radu* – na pitanju 3. upisuje se šifra 05).

Naredno pitanje – pitanje 4. odnosi se na dužinu odsustva iz, odnosno prisustva osobe u mjestu popisa. Ukoliko osoba na pitanje 4. odgovori da boravi u inostranstvu kraće od jedne godine (npr. 7 mjeseci), popisivač prelazi na pitanje 5. koje se odnosi na planiranu dužinu odsustva iz BiH. Ukoliko osoba u narednom periodu namjerava biti odsutna iz mjesta popisa kraće od godinu dana (npr. 4 mjeseca) do narednog dolaska/boravka u domovini popisivač će na pitanju 5. upisati navedeni broj mjeseci. Ovako popisana osoba bit će ubrojana u stalno nastanjeno stanovništvo određene teritorije.

Slika daje ogledni prikaz popunjene Popisnice za lica koje je privremeno odsutno iz domovine radi rada u inostranstvu, ali je dio domaćinstva u BiH, te je period od zadnjeg boravka u domovini kraći od 12 mjeseci.

U skladu sa Zakonom isključivo osobe koje su odsutne iz uobičajenog mjesta stanovanja kraće od 12 mjeseci (pitanje 4.), te ne namjeravaju biti odsutne iz mjesta boravka duže od 12 mjeseci (pitanje 5.), bit će dio **ukupnog broja stanovnika tog popisnog područja, odnosno u konačnici stalno nastanjenog stanovništva Bosne i Hercegovine.**

MJESTO STANOVANJA	
1. Osoba koja se popisuje je:	a) Član domaćinstva koji živi u mjestu popisa godinu dana ili duže ili se doselio sa namjerom da tu živi  → Pitanje 2. b) Član domaćinstva odsutan iz mjesta popisa zbog rada / školovanja ili boravka u drugom mjestu u BiH ili inostranstvu  → Pitanje 3A. c) Privremeno prisutna u mjestu popisa kraće ili duže od godinu zbog rada /školovanja ili boravka  → Pitanje 3B.
2. Da li je osoba prisutna u mjestu popisa?	Da  → Pitanje 8. Ne  → Pitanje 3A
3A. Razlog odsustva iz mjesta popisa	
3B. Razlog prisustva u mjestu popisa	<input type="text" value="05"/>
4. Dužina odsustva / prisustva	Jedna godina i duže <input type="text" value=""/> <input type="text" value=""/> → Pitanje 6 Kraće od jedne godine (broj mjeseci) <input type="text" value="07"/> → Pitanje 5.
5. Koliko još osoba namjerava da bude odsutna/prisutna?	Jednu godinu i duže  <input type="text" value=""/> <input type="text" value=""/> Kraće od jedne godine (broj mjeseci) <input type="text" value="04"/>